

四庫全書

史部

欽定四庫全書

史部

欽定南巡盛典卷三十八

詳校官編修臣汪鏞

欽定四庫全書

欽定南巡盛典卷三十八目錄

河防四

金定四庫全書

卷三十八目錄

欽定四庫全書

欽定南巡盛典卷三十八

河防

乾隆二十二年二月初六日傅恒等奏言遵

旨將南河河務一事與尹繼善嵇璜等公同酌議現在毛
城鋪業經奉

旨堵閉將來黃流順軌直赴下游河身自可漸就疏刷
但徐州南北兩岸當上游之首衝北岸孫家集現

已築有草壩其汭刷支河務須查勘填築而南岸隄工更宜迅為加幫以資捍禦至洪湖五壩所以宣洩湖水其智信二壩曾經奉有

諭旨非遇盛漲不得遽開但五壩過水既多而下游承受僅高郵之車邏等三壩未免米多去少應於昭關地方復設滾壩滾壩之下開一支河更將南關舊壩改建滾水石壩其規制便與高堰五壩相應再歸江諸河業於上年開挑現在疏通而范公隄

諸閘之下入海河道應否設立閘座應請一併交
與臣嵇璜會同白鍾山逐一相度情形請

旨遵行奏入

上諭曰知道了著嵇璜明日就去

乾隆二十二年二月二十七日白鍾山嵇璜奏言

竊臣同河東河臣張師載將銅沛廳屬黃河一帶

應築應堵應疏各工親往逐一查看條細繕摺具

奏恭請

聖訓辦理臣於本月十三日回至徐州工次適副總河

臣嵇璜來徐奉

旨河南工務一摺令臣閱看會同覆

奏臣跪聆

天語洞悉全河機宜無微不至燭實為萬世治河不易之

良規竊查洪澤湖五壩共寬三百二十餘丈高郵

車邏等三壩僅寬不滿二百丈誠如

聖訓來多去少難免壅遏之患自應上下相應方無偏

枯之虞今軍機大臣等所議於昭關壩地方復設
滾壩開一支河更將南關舊壩改建滾水石壩其
規制與高堰五壩相應計其來源籌其去路實屬
量入為出之道深合機宜至范公隄諸閘之下入
海河道應否設立閘座并令同臣逐一相度情形
妥協籌畫請

旨遵行敢不凜遵悉心籌辦仰體

聖主廑念河防之至意但臣離南河日久恐水勢河道

情形較前不同未敢懸揣忘議容臣將黃河上游各工辦有就緒星即馳赴下游一帶細加查勘務期籌酌萬妥恭

奏請

旨遵行抑臣更有請者高寶諸湖上承洪澤湖並天長六合之水匯歸於運河由運河諸壩分趨下注江海向米臨湖西岸設有出水港口二三十座導水入運由港口東趨以資宣洩最為緊要若俟伏秋

大汎洪澤湖水甚漲之時始行開放則五壩齊趨
高寶諸湖勢不能容納往往洶湧奔注盈堤溢岸
穿運而東無怪乎興鹽高寶窪下之處不能容受
即地勢少高之所亦難免淹漫之虞與其蓄之於
平時使湖河之水盈滿莫若預為籌畫陸續宣洩
庶免驟漲之水一時并注為害臣前任南河時曾
經

奏明於桃汎時視湖河水勢細察情形如河水足資

濟運毋庸蓄水即先將西岸瀉高寶湖水之港口預為酌量開放俾湖水日逐宣洩其勢自減而湖面騰出以待洪湖盛漲五壩減下之水亦可容納湖河之水循序滙歸江海不但下河地方不致受淹且藉此循序下注之水可以揀秧種稻較之壅滯偏高陡然開放一時驟漲迥不相同仰蒙

聖允今可否仍照前例預將出水港口先為開放以資陸續宣洩之處伏乞

皇上

訓示遵行奏入

上諭曰允行照辦

乾隆二十二年五月初三日夢麟德爾敏尹繼善
白鍾山嵇璜奏言竊照江南黃河至徐州漸窄逼
近城垣北岸蘇家山一帶又復緊束大溜形勢甚
險仰蒙

皇上軫念民瘼親臨閱視指授方畧以近城石壩最為

緊要令將從前已有者加幫以培其勢從前所無者接築以重其防不惜帑項興舉鉅工仰見我

皇上智炳幾先酌籌盡善從此鞏固河防永資利賴徐
州紳耆士庶感激

天恩歡呼動地茲臣等率同該道等凜遵

皇上指示機宜逐一詳細查勘東門一帶原無石工之處自四大王廟迤東拐角樓石磯磧至人家頭止應接修石工三段計長一千三十丈五尺又西門

外奶奶廟迤西至韓家山埽工後止應接修石工
長五百三十四丈五尺共應增建石工一千五百
六十五丈所需石料十一萬餘丈於就近蘇家山
王家山等處採取濟用核計各項工料共約需銀
二十三萬餘兩但此處河身窄狹溜勢湧急必須
修建堅固始能垂之永久應請照依乾隆十八年
堰盱石工之例加添汁米石灰鐵銷並甌後築打
灰土方足以資捍禦又約估增添銀二萬餘兩通

共約需銀二十六萬餘兩_臣等已遴選幹員分投採辦刻期償運仍多委員弁上緊查催早為預脩齊全俟九月內霜降水落之時開槽興工一舉集事其舊石工內有應需收拾粘補者亦即查明一併估辦庶大工新舊一律整齊錢糧俱歸實用以仰副我

皇上慎重河防至意奏入

上諭曰好如議行

乾隆二十二年六月十三日山東巡撫鶴年奏言
竊臣等奉

命會查東省充屬積水於五月二十一日抵濟寧隨乘
駕小舟遍歷被水村莊由濟寧之牛頭河金鄉之
水田寺魚臺之谷停鎮沙河滕縣之戚城嶧縣之
韓莊並抵沛縣之夏鎮銅山縣之藥旺村周環查
視查得五屬地畝界連南陽昭陽微山等湖本屬
低窪雨水過多上游曹單鉅嘉等邑之水自西而

來滙聚合流東則汶泗沂沭等河入運之水復洩入在西之南陽昭陽轉輪透流而總滙於微山一湖查微山湖出水之路有二一由韓莊湖口閘入運一由茶城及小梁山一帶會荆山橋入江南運河向來有此等處去路是以伏秋水勢雖大消落亦易自黃河北岸石林口漫溢之後茶城一河漸有沙淤迨上年孫家集黃河全溜直奔荆山橋而小梁山之河又加淤塞止有湖口一閘藉以消洩

復因孫家集漫流入湖較往年更甚以致湖水益
增倒漾而北充屬等處瀕湖村莊田畝盡被淹沒
兼以運河自石佛閘以下歷年汶泗等河發水亦
大流沙停淤河底漸淺不能容受遂成內外相抵
之勢河湖連為一片積聚難消荷蒙

皇上軫念民依將孫家集來水大加堵築固已截住來
源而消涸有期矣今歲春間復蒙

天恩特發帑金將小梁山至荆山橋口之舊河逐加挑

挖是以高阜地畝漸次涸出現將已涸未涸頃畝數目臣鶴年另列清單恭呈

御覽但查自三月二十八日至今五月之杪湖水僅消一尺六寸不特東省積水尚多未涸即附近之江南銅沛二縣地畝亦為湖水所淹未見涸退臣等詳按情形備訪輿論現今小梁山之河雖已開挖而荆山橋出水仍未深暢茶城一河現在築壩挑濬尚未竣工又聞江南中河之雙閘及駱馬湖六

塘河現因重運經行亦未啓放是以湖水難消不能暢流臣查治水先須下游通利而後上游有所宣洩必俟茶城開壩流通無阻而六塘河又加疏濬駱馬湖水得以東下五州縣積潦始得遞次掣減臣等現飭地方官將各涸出之地先行寬裕借給籽種趕種雜糧其將涸未涸之地俟稍可用功亦飭酌量情形各開溝塘俾水有所歸而地亦可漸露惟一片汪洋水勢深廣之區非宣洩有路不

能即行減退

臣

等復集父老細加講求或言利國

驛西藥旺河應挑河九十里歸入江南運河或言
湖口閘之南應挑挖伊河四里仍入韓莊運河或
言韓莊南七八里之伊家河舊有河形應就此河
挑濬入運臣等按其所說俱親詣各該處確勘情
形藥旺一路山麓層疊不可開鑿湖口閘南一路
相距運河止四里即便開通亦不能大有宣洩惟
伊家河一路相度地勢較之他處似屬有益但茶

城現在興工六塘河亦宜疏濬此兩處將來若能暢流則湖水之出荆山橋者即無阻滯而運河之出駱馬湖者又由六塘河傍洩東省積水自當漸次消涸伊家河一路即可停止毋庸多費工作現在臣鶴年一面飭委布政司會同運河道差諳練人員測量地勢水面尺寸詳議會核外俟臣裘曰修查看歸德及宿虹等處事畢仍回東省再行詳加籌計應否仍需辦理另行會同江南豫東督臣

河臣撫臣熟商妥議具

奏總之於民生地方果有裨益不敢不留心採辦亦不敢輕舉妄動為有損無益之事所有會同勘過積水情形謹繕摺恭

奏伏祈

皇上睿鑒

訓示遵行又現今運河淤淺堤岸斷續之處臣等正籌

議間適河臣張師載自徐州至韓莊與臣等所議

意見相同據云應俟水勢消減即將斷續之堤岸
淤澁之河道確估修治會同臣鶴年另行摺
奏合併聲明奏入報

聞

乾隆二十二年六月二十四日江南協辦河道總

督嵇璜奏言竊臣凜遵

皇上諭旨前往下河率同何燭悉心詳勘淮揚運河東
堤減入下河之水自邵伯以北者皆歸海邵伯以

南者皆歸江緣邵伯迤東地脉高阜天然限制各有分途若欲使之向若歸虛必順其就下之性臣查下河歸海之路從前所建各閘丁溪小海地勢外高不能洩水其草堰劉莊伍祐新興等場皆得地勢之宜分注閘龍港新洋港等口歸海惟查劉莊場之大團閘至新興場之石碇閘相距五十五里中間並無一閘應請於伍祐場之沿窪口蔡家巷地方添建五孔石閘二座開挑上下支河引歸

新洋港入海又查石碇閘天妃越閘兩牆裏頭尾
土俱已塌卸應請一併修補堅固又各閘下支河
年久淤淺現在比閘底高二三尺至四五尺不等
應請勘估興挑又沿海港口現俱深通惟射陽湖
灣曲太大洩水不暢竟有東西僅隔里許而南北
繞一大灣至數十里者應請勘估挑通俾得徑捷
歸海至於串場河以西河渠甚多其導水順而現
今淤塞者如泰州之孔家涵鹽城之岡溝河皮岔

河三處應需疏濬深通以資利導又高寶運河東堤原設石閘十餘座水大則藉以洩水歸海水小則藉以灌溉民田甚為有益今查郎兒閘子嬰南閘并邵伯之三閘年久傾圯應請拆修以利啓閉以上皆下河歸海之路第查下河州縣本係水鄉形如釜底每遇霖雨兼旬即遭淹漫若高郵諸壩過水太多盈科漸進方能歸海而下河已不免泛溢查湖河水勢歸江近而歸海遠歸海紆迴而歸

江徑直多一分入江之路即少一分歸海之水臣
查運河歸江之路芒稻閘董家溝石羊溝廖家溝
四處閘壩共寬八十六丈邵伯以南運河東隄舊
設有金灣六閘金灣滾壩東西灣壩鳳凰橋壁虎
橋灣頭閘等處共寬九十餘丈上下相應用以導
水入江今查東隄僅金灣六閘并灣頭閘過水通
計七閘口門止寬十二丈八尺尚不如芒稻東西
二閘之寬鳳凰橋正南木橋過水甚為微細東西

灣壩面本高金灣滾壩淤土久積以致運河之水不能及時宣洩臣於五月內

奏明動支帑銀一千兩將金灣滾壩並鳳凰壁虎二橋抽挖溝槽不過暫為宣洩之計應請俟霜降後將金灣滾壩刨低一尺東灣壩改低二尺五寸鳳凰壁虎二木橋下淤灘一并挖深比運河底高七尺為準再西灣壩形勢不順毋庸挑挖應請將東灣壩添寬十二丈壁虎北木橋之上另開河頭十

二丈添建木橋一座匯入壁虎橋引河內以資宣
洩又金灣閘底尚高應將北閘底改低一尺查上
年已經兩淮運使會同淮揚道估有成數應請照
案辦理東灣鳳凰壁虎等橋壩外支河應請照所
改壩眷一律挑深方得湍流無滯又邵伯西岸諸
港口為湖水遽入運河之咽喉內有蔡花港奶奶
廟港陳家港紅橋港久經淤塞臣於五月間
奏明疏濬已經完竣惟查邵伯諸湖遽注之引河多

有淺阻不通平時不能暢流每致停蓄積水盈滿
湖中應請將黃子湖通連朱家湖之湯家絆引河
改向西南疏濬寬深再朱家湖通連董家湖之王
家莊地方開挑新引河一道引水直注董家湖以
達孔家橋形勢灣曲應請於東首另挑引河入尤
家窪下接挑新河一道由蕪城墩後引入越河再
將越河加挑寬深節節引導諸湖積水湍流入運
由鳳凰壁虎二橋出廖家溝等壩歸江又查運河

寶應之竹絡壩外灘漸高難資宣洩應請於竹絡壩之南三里溝地方建設滾水石壩一座庶山寶水勢可以平緩以上皆湖河歸江之路至查宣洩機宜惟在冬春初夏若六月以後江面既高潮汐又大雖盡開閘壩而洩減無多且山圩五壩寬三百三十丈又孟以蔣家壩十八丈而歸江閘壩止八十餘丈來水幾五倍於去水必須長年開放寸寸洩減俾高寶諸湖預留過水之地斯不致壅滯

為患但查芒稻閘河乃兩淮鹽艘必由之路若下
板堵壩以濟鹽運則河工坐悞機宜若全開閘壩
以利湖河則鹽船恐致淺阻期於兩不相妨庶可
行之久遠臣悉心諮訪或稱另開運鹽河道或稱
於人字河築壩建閘二說皆不可行臣查灣頭至
丁堰之運鹽河道現在深淺不一竟有淺至尺許
者所以芒稻閘一經啓板即虞淺阻應請將運鹽
河道勘估興挑以芒稻西閘底水深五尺為度使

運鹽河內長存五尺底水則鹽船可以逆行而沿
河開壩可以長年啓板既有利於河工亦無碍於
鹽運再查下河各州縣小港支渠不可數計豈能
普例興挑查康熙年間每歲令下河居民挑濬渠
港著有成效應請責成地方官於農隙之時查明
田間水道有湮塞淺隘之處傳集里民按照地畝
辦理佃戶出力業主給食逐年開挑挑出之土即
堆成圩岸以護田疇是在有司善為督率則地方

日有起色每年將所挑各河造報督撫稽考數年以後庶渠港通達旱澇有備至籌辦應修各工內歸江者應請列為急工歸海者應請列為緩工其歸江工程須在九十月間興工方為有益仰懇

皇上勅下督河撫鹽諸臣會同確議如果應行興舉即速確估具題務於秋汛後刻期償辦以收實效再各工內所需銀兩有隸屬水利應於江蘓藩庫內動支有隸屬鹽務應於兩淮運庫內動支隸屬河

工應於河庫內動支者統俟會議分別辦理合并
聲明 臣謹繪圖貼說恭呈

御覽奏入

上諭

恭載
於前

乾隆二十二年七月十六日兩江總督尹繼善奏
言竊 臣自省起程馳赴徐州於七月初四日接署
撫卽即往沛縣查勘該縣地本低窪昭陽徽山諸
湖接連環繞東省濟泗汶滕山水奔注匯歸向有

護城堤一道以防水道近緣東省連年雨水坡河
下注過多加以去年孫家集之黃流漫溢倒灌本
年夏間又復陰雨連綿僅恃小梁山茶城入荆山
橋尾間宣洩來源多而去路少以致水勢不能驟
消現已派委專員酌動庫項多購料物將護城堤
工加謹修防俟水退後再行奏請動項加幫高厚
以期鞏固惟疏消積水以冀涸復地畝播種春麥
為目下第一要務查湖水去路除荆山橋外尚有

湖口閘一處與韓莊閘相近雖為蓄水濟運亦係洩水尾閘向係山東河員經管該閘金門僅寬一丈數尺現在湖水較前加長濟運已嫌其過多即開門長行開放不足以資暢洩臣現在咨商山東河撫諸臣或添設滾壩或添建閘座使湖水得以暢出入運庶可望其漸消又小梁山茶城之水俱由荆山橋流入運河然必運河之中無所壅滯庶水得以暢流臣查山東有沂河一道自北向南流

入駱馬湖近因水大於邳州之盧口向西散漫入
運河之水過多與荆山橋洩下之水相阻不能通
暢似此層層阻遏皆為沛縣受病之由臣已委員
前往盧口悉心相度俟可動工即行動項堵築使
沂水不能入運以速湖水去路現在親往各處詳
細查勘通經熟籌凡於洩水有益者另行奏請辦
理所有臣酌籌沛縣疏洩事宜謹繕摺恭
奏伏祈

睿覽訓示再淮徐海屬等處被災州縣雖輕重不等俱
係積歉地方辦理不容稍遲臣遴委多員分路查
勘并飭道府督率辦理臣於勘河之便親往稽察
將極貧戶口照例先行撫卹一月其應行正賑較
常年早為放給以濟災黎俾無失所奏入

上諭

恭載
於前

乾隆二十二年八月初九日兩江總督尹繼善河
道總督白鍾山奏言乾隆二十二年七月初二日

接准

廷寄欽奉

上諭嵇璜奏湖河宣導機宜并應疏應修各工一摺所言頗有中要之處已有旨交與尹繼善白鍾山等動帑辦理著再傳諭該督等於應動工時悉心經理務於下河諸水多減一分則地方早受一日之益此於下河民生關係甚鉅該督等須慎重妥辦不得視為泛常草率了事所需帑項如有不敷即於鹽庫項下

動支仍將辦理情形據實奏聞欽此欽遵仰見我

皇上軫念下河民生以期宣洩合宜永慶奠安之至意

臣等欽遵

諭旨查照嵇璜原奏歸江工程尤為緊要現在遴委幹
員分段承修并委大員查催督辦於九月內即行
興工尅期償辦俟急工完竣歸海各工即行接辦
臣等於動工時即親往悉心經理所需帑項照例
分別動支如有不敷即於鹽庫項下支用臣等凜

遵

聖訓董率屬員慎重妥辦斷不敢視為泛常草率了事
一面將應修各工據實確估會

題奏入報

聞

同日兩江總督尹繼善奏言竊查南陽昭陽徽山
等湖衆流所歸水勢浩瀚宣洩之路有二一自江
南小梁山茶城等處出口由荊山橋至王母山歸

入運河一自山東湖口閘入運由得勝六里鉅梁
萬年丁廟頓莊候遷臺莊等八閘及江南之河清
河定河成三閘經宿遷桃源過清河之雙閘以抵
楊家莊一由草壩歸入黃河一由鹽河閘壩下注
入海此湖河之來源去路也臣因湖口一閘過水
無多應酌添滾壩使湖水得以暢出前已具摺

奏明并咨商臣張師載鶴年酌辦臣又細加籌計自

湖口閘以下因蓄水濟運設有各閘層層關鎖河

身未免窄狹至水大時賴以宣洩者全在各閘之
越河也今查自湖口閘以至黃林莊山東運河長
七十餘里得勝等八閘各有越河以閘門越河并
計較之正河尚不甚窄自黃林莊以至貓兒窩江
南運河長八十餘里現在水面寬二十三四五丈
不等河清河定河成三閘各有越河以閘門越河
并計較正河窄至五六丈不等各閘層層收束原
為蓄水濟運今當急籌宣洩自宜隨時變通現在

會商河臣白鍾山將河清河定河成三閘越河委員估計再各挑寬五丈約需銀三千餘兩則湖口閘并荆山橋下去之水可以更得暢流再宿遷運河北岸有王家溝草壩一處現在駱馬湖水由壩口流入運河雖係常年舊制但此時以宣洩微山湖水為要有此王家溝之水入運橫截未免上源來水被其阻遏已商之白鍾山飭令廳營速將王家溝機堵閉又查清河縣之雙閘原係草壩亦有

正河越河漕船過後拆去草壩已寬三十二丈今又拆去四丈共寬三十六丈以達尾閘去路目下楊家莊口門出水甚暢並有鹽河開壩一股向東分流運河下游不致有所阻滯荆山橋一帶欽奉諭旨仍須廣為疏通責成夢麟再加開濬

聖明指示極為精詳臣親往荆山橋上下遍加查勘從前橋洞過水十九孔今已過水五十餘孔上下河身均屬通順再加開濬愈暢愈為有益查夢麟原

奏善後事宜摺內亦稱積淤生灘之處應行疏濬
挑切臣自當協同夢麟實力辦理并將茶城小梁
山湖口出水處所俟水勢稍落可以煞壩再行疏
濬深通總之湖水不消時時上厓

睿慮尾閭能多宣洩一分上游即少一分灌浸臣悉心
採訪百計圖維凡有關於疏洩機宜無不殫竭心
力黽勉辦理以期民困稍蘇仰副我

聖主愛養元元之至意臣現在由運河各閘前往邳州

查勘沂河將如何減水入運之處詳悉籌畫另行
會商具奏并前往宿遷桃源清河沐陽海州安東
一帶將應修河道親行相度外謹將籌辦運河疏
洩情形繪圖貼說恭請

訓示奏入

上諭曰此奏頗屬盡心如所議速行仍恐疏洩不暢應
再悉心講求

乾隆二十二年八月十二日袁曰修高晉奏言竊

臣等奉

命查勘宿靈虹積水茲

臣

表曰修於七月二十日由河

南入安省之宿州境經靈壁虹縣至下江宿遷縣

之歸江集安河口將三州縣積水處所去來情形

週遭相度

臣

高晉先於六月下旬勘災時亦經逐

一查過今在虹縣相晤悉心講求所勘水勢情形

相同伏查宿靈虹等處所有每年被水之由緣豫

省虞夏商永四邑之水畢注於宿州所恃以宣洩

者惟灘河一道查灘河自徐溪口至符離集七十餘里河淤平岸河形全失自符離集至時村迤下至靈璧之霸王城一百數十里俱間段淤塞此灘河現在之情形也再查灘河因毛城鋪等處減洩之黃水累年漫灌水過沙留積漸成淤然尚未至如今日之甚至上年毛城鋪天然閘峯山四閘陸續開放而毛城鋪至本年四月底始行堵閉黃水直流已經一載是以徐溪口一帶竟成平陸此灘

河上段之在宿州者現在全行淤墊之故也濉河
既淤不能容納則豫省諸水及宿州四境山水散
流漫衍遂於徐溪口南北分為二股南一股自張
家溝至猪羊山冲斷十五里堡驛路下至時村由
唐溝歸濉河之下段入於五湖北一股自牛家樓
至大山頭高皇壩於時村迤下由三村歸濉河之
下段亦入五湖北兩路所冲均有河形若照舊河
正身挑濬現今徐溪口至符離集底岸淤平實難

施工臣等公同商議濰河上段正身無庸挑挖擬
即就兩旁現在冲出之河形因勢利導分一河為
兩河開至符離集下仍入濰河正身俾上源散漫
之水得以順軌分流其符離集下至靈璧之霸王
城等處河身間段淤淺之處一律加挑深通以暢
去路再霸王城下即靈璧之五湖濰河界五湖之
中自難於湖中濬河且揚疇土山陵子崔家孟山
等五湖原係各為一湖祇以上下頂阻水行濡滯

年復一年今則五湖連為一湖矣田沉水底民多
遷移臣等細勘五湖形勢聯絡其地最窪即多開
溝渠亦屬無益不若捐之於水查明五湖內水沉
地畝

題請蠲免將五湖聽其連成一湖以為潑蓄之道至
虹縣之板橋地方各小河口則濉河之入五湖者
至此復露河形東南一路趨謝家溝經古下河入洪
澤湖東北一路由烏鴉嶺經宿遷之歸仁閘下安

河入洪澤湖今謝家溝雖屬深通但河頭河身俱覺淺窄應量行開寬而烏鴉嶺之下現有砂礮亦應挑挖以免阻礙至其餘支河在宿州則有彭家溝濳河栢山河靈壁則有斗溝拖尾河沱河虹縣則有荀家溝岳家河等處皆須一律疏濬以暢分流之勢虹縣又有潼河一道受水極大向由林子河經歸仁閘以東之涵洞歸入安河今林子河淤塞已久亦宜舍舊圖新從潘家山南之徐家冲開

通以達董家溝歸安河入洪澤湖最為徑捷凡此
皆宿靈虹三州縣積水情形就臣等所見酌擬之
辦法也至烏鴉嶺董家溝安河係虹縣泗州宿遷
桃源四州縣壤地相錯之境皆須會同辦理董家
溝在宿遷境內已全行淤墊安河則界連桃源宿
遷泗州三州縣亦間段淺阻金鎖鎮劉李埂田家
集陡門等處上下八十里為入洪澤之咽喉尤為
緊要皆須逐段開挖必此處較上游深通而後濰

河一帶之水順流直下達於洪澤施工次第當由
此起現即行文下江督撫諸臣再行確勘委員詳
估以便及時辦理惟是下游之下復有下游洪澤
一湖以清口為出路前蒙

皇上指示河臣將草壩折却以暢其流江南官民皆仰
賴

聖明照燭於數千里之外但每歲皆須應期開放俾上
來之水隨來隨去則來者雖多而去者能速不致

壅關於一時矣若夫澧河雖治仍為每歲減洩黃
水之路必如何始免淤墊之患此又須督河諸臣
通盤籌算熟思審處期於行之無弊而有效者也
除將臣等查勘情形及籌辦緣由謹遵

聖訓移咨侍郎臣夢麟督臣尹繼善河臣白鍾山張師
載撫臣陳宏謀鶴年胡寶琛詳核或應會勘或應
會商公同妥議請

旨遵行再查七月初八日至十七等日毛城鋪減洩黃

水下注宿州一帶已涸之地復被漫漚水勢甚大
難以估工現委廬鳳道寶善率同府州縣并調下
江熟於工程人員來安一俟漲水消落即勘明估
計造冊另繪圖貼說具
奏合併陳明奏入

上諭

恭載
於前

欽定南巡盛典卷三十八

欽定四庫全書

史部

欽定南巡盛典卷三十九

四十

詳校官編修臣汪鏞

欽定四庫全書

欽定南巡盛典卷三十九目錄

河防五

欽定四庫全書

欽定南巡盛典卷三十九

河防

乾隆二十二年九月初七日表曰修夢麟鶴年奏
言竊臣表曰修臣鶴年於六月之初在於嶧縣韓
莊之遙西查舊有伊家河一道雖河形尚存而淤
埂已久是否開通得以疏通湖水臣等遽難定議
應俟委員確勘再行查辦業經具摺奏

聞臣表曰修即前赴徐州河南等處查辦一切臣鶴年
回省之後即委布政使阿爾泰運河道李清時會
同確勘是否可開有無利益據實稟覆今據該司
道稟稱會勘得伊家河舊有水溝形迹寬一二丈
深一二尺不等隨沿河往東南履勘相度形勢及
入運處所其河身段落自韓莊迤西舊有河形之
伊家河開起至江南之梁旺城入運計程六十九
里七分零一萬二千五百五十三丈河頭高於河

尾一丈九尺四寸所開河面自應加寬但據洳河
通判張克儉稟稱逐處挖井測驗下多砂礮刨挖
需時恐悞放水未便加寬原議河面只寬七丈似
覺稍窄今議定開寬八丈底寬四大深一丈二三
四尺不等河尾入運之處挑寬十丈使湖水得以
暢流河頭處所係江南利國驛驛路所經請照兩
江督臣所議於河頭建滾水石壩一座按河身寬
八丈壩座金門應寬十一丈有零並酌建石橋以

通驛路所需土方滾壩各工料原估需銀四萬二千三百八十六兩零今河面加寬一丈土方銀數加增另行估報如有河身開至民間地畝之處亦即照例查辦時值臣夢麟到濟共相斟酌至韓莊詳悉相度洵屬應行之事至徐復與臣裘曰修籌辦意見亦復相同臣等伏查微山湖積水為患以致濟金魚等莊村久被淹浸時厯

宸衷諄諄訓誡惟期民生永奠衽席早登我

皇上宵旰圖維仰見匪朝伊夕臣等敢不竭力籌辦設
法疏消以上慰

聖懷惟是湖河一片去路甚微運河之水年來又復盛
漲而傍洩運河之漲者全賴支河分流通達無滯
今河清等閘越河業經兩江督臣尹繼善酌議開
寬廬口等處又擬堵閉入運之水既分則來源漸
少亦可日就疏消其下游之駱馬湖臣夢麟臣尹
繼善會商挑挖菱溝港河二道由運河入海以資

分洩至伊家河實為微山湖宣洩扼要之區今速
行挑濬與荆山湖口三路爭流則奔騰無滯直注
八閘之外微湖積水自能遞掣而下臣等再四詳
查自應如該司道所議迅速辦理謹繪圖貼說恭
呈

御覽伏候

諭旨欽遵臣等現在商酌擬派兗沂曹道徐鐸運河道
李清時督辦並分派段落專員經理於九月初七

日興工臣鶴年另摺恭

奏外臣等仍不時往來親加查勘務期速竣厥工庶
上游可資宣洩而下游亦無滙注之虞除移督臣
尹繼善河臣白鍾山撫臣陳宏謀高晉胡寶瑤臣
等謹會同河東總河臣張師載合詞恭

奏奏入

上諭曰如所議行

乾隆二十二年九月十二日夢麟尹繼善白鍾山

嵇璜陳宏謀奏言竊惟淮徐海地方水患頻仍民罹災苦荷蒙

聖心軫念宵旰憂勞

特命臣等悉心熟籌不惜帑金開濬河道以期消弭災患拯救民生臣等恪遵

訓旨公同商酌通籌全局竊以湖河之水各有源流支派要皆以海為歸宿若下游去路不能疏通則上流來源必多壅滯湖河正身不能容納則民田廬

舍即受漫淹淮徐等處歷年之被災皆由於此臣
等親歷各處遍加查勘細考受病之由詳求治病
之法必使田間坡水層層引導由溝渠以達湖河
湖河之水節節疏通由尾間以歸大海則源委並
治支幹兼修庶可蘇積困而收實效如山東與江
南接壤之南陽昭陽微山等湖積水未消亟宜設
法宣洩在山東僅由湖口閘入運過水無多現在
另行籌開伊家河至梁旺城入運江南運河經邳

宿桃清一由楊家莊出口會黃一由鹽河開壩匯
六塘河入海現在運河俱屬寬深各閘越河已經
奏明再加開展運河內如有砂礮淺滯間段應濬
者並行相機辦理惟因沂河之水自盧口旁洩由
沙家徐塘二口入運過多有阻微山湖水經行之
路經臣尹繼善

奏明酌辦臣等親往細看沂河源出山東河寬百餘
丈行至邳境盧口地方正流由駱馬湖六塘河歸

海旁流由盧口壩分注入運祇緣舊壩口門寬至
八十丈且未築石底年久刷深以致旁流過多淹
沒邵境民田阻礙運河宣洩亟宜籌辦但沂水來
源甚大若遽行堵閉不但暴漲之時全注六塘為
宿桃清沐之患倘遇運河水小之年無以接濟亦
甚有關係再三相度擬將石壩裏頭接長中間祇
留口門寬三十丈並築亂碎石壩底以為卽制使
沂水多半歸湖祇留二三分濟運但目下運河之

水惟患壅滯無需接濟應於盧口築做草壩將沂
水堵截使涓滴不得入運其邳境沂河尚屬寬深
間有積沙淤灘酌加疏濬兩岸土堰亦為培修使
沂水正流暢入駱馬湖由六塘河歸海俾運河宣
洩做山湖之水得以全力下注庶可望其速消至
荊山一河原係分洩湖水之要路業蒙

皇上指示於小梁山內華山茶城開挑引河其有沙積
難現之處現在凜遵

諭旨於荆山橋上下並出水湖口再加疏濬務使暢流
入運其荆山橋下游之彭家河又經臣夢麟奏准
開濬現在趕辦此籌辦微山等湖宣導入河歸海
之情形也又勘得六塘河處駱馬湖下游為宣導
沂水之要道駱馬湖尾閘有引河五道甚屬寬暢
自引河以下匯為一河形勢窄狹亟宜開寬並將
永濟橋酌添一十二孔俾湖水暢注其六塘河內
如有間段淤淺及兩岸舊堰殘缺之處亦應修濬

培補又六塘河北岸宿遷境內凌溝地方向有水口通砂礮河注於沐陽縣之沐河入漣河歸海盛漲之時散漫四出波及民田今擬就現有河路開挑寬深仍於凌溝酌建滾壩俾節宣有制又桃源境內有港河一道亦係分洩六塘河會沐入漣歸海年久淤淺應行挑濬亦於河頭建築滾壩並將沐河舊堰酌加修補使六塘得有分洩之支下游可免為壑之患至六塘河下尾在海州地方與鹽

河交匯由武障義澤項冲東門白蜆牛墩六里等
河歸海口門閘間有淺阻俱加疏濬並將鹽河加
挑寬深現有之洩水各壩減低二尺其例應商人
辦者仍歸商辦臣等派官監督俾鹽運洩水兩有
裨益惟義澤項冲二河與武障下游同歸北潮河
紆迴灣曲宣洩不能通暢今查義澤河下游舊有
小冲河一道年久淤墊應行疏濬深通則洩水更
為徑直又東門白蜆牛墩六里等河由六道溝匯

入北潮河與武障義澤同歸一路未免壅阻今查
東門河下游現有五圖河河形淤塞應行開挑深
通俾下游尾閘多一入海之路庶千里長流咸順
朝宗之勢自無橫溢之虞此籌酌六塘河分導沂
水入海之情形也再河南夏邑永城等縣之水向
由濉河下注江南宿靈虹之楊疇泗山等湖經宿
遷之烏鴉嶺桃源之安河抵泗州陡門入洪澤湖
出清口會黃歸海近年河道多有淤阻業經臣裘

曰修臣高晉會同查勘將應行挑濬之處具摺
奏明內有烏鴉嶺安河董家溝等工係下江宿遷桃
源所管乃濰河五湖之水歸入洪澤湖尾閘更為
緊要現在委員確估趕辦惟各水多歸洪澤則出
口務須宣暢查清口之東水二壩業蒙

聖明指示汛前早行拆卸俾得暢流自當永遠遵守其
冬間收束之時亦宜相機斟酌如湖水足留敵黃
則口門酌量留寬不得收束太緊其裴家廠張福

莊等處引河俟水落之後通身細看如有淤淺並加疏濬使湖口出水得以暢達此籌酌濰河入湖並湖水入海之情形也以上應開各河道或因舊河淺窄而加挑寬深或因來源寬廣而添籌去路皆係上接隣省下聯數郡之幹河所當首先興舉其餘一州一邑山泉坡水連界接疆匯而成河必須因勢利導使之水由地中如礪山之利民溝永定溝豐縣之食城河蕭縣之歐邵河爛石河銅山

之奎河房村河睢寧之沈家河白山河邳州之武
河燕子河艾山河宿遷之北岸民便河蔡家閘引
河羅家河桃源之姜胡窪河清河縣之包家河民
便河郭家河周橋河山陽之十字河太平河烏沙
河安東之民便河舊鹽河阜寧之穿里河戴家溝
河海州之高壩口王官口丁家溝等河沐陽之分
水沙河以上均係支流於民田俱有關係現多淤
墊脈絡不能貫通臣等詳加斟酌有必須通身開

挑者有止須間段疏濬者有疏洩積淤添設閘洞者俱應因地因時逐一經理使之入湖入河各有會歸現在督率道府選帶熟諳人員分頭確估一面委員興挑臣等往來督查限於年內告成以期積水消涸農民及時播種仰副我

皇上念切痼瘼懷保黎元之至意所有敬籌湖河宣導機宜謹脩晰具摺恭

奏並將各河源委繪圖貼說同臣嵇璜奏准下河應

濬河道一併粘簽恭呈

御覽奏入

上諭曰覽奏頗得領要但須諸臣無分彼此和衷共濟
以慰朕南顧之憂仍須實力督催不可草率塞責其
共勉之圖留覽

乾隆二十二年九月十四日直隸總督方觀承山
東巡撫鶴年奏言乾隆二十二年八月初六日欽
奉

廷寄

上諭近年山東頻被水患而今年南運河更屬異常泛漲因思東省境內如徒駭馬頰及老黃河等皆古九河故道原為河水分注之區其遺迹故在特因循日久遂致湮塞若將南運河之水從此宣洩相當淌注迅速方觀承當往來德州一帶閱視堵築第三屯決口或即乘便前赴山東會同鶴年將徒駭馬頰等舊日河身循行履勘核其現在形勢如可由此放運河

之水似亦一宣洩之法但今昔異宜亦不必存膠柱
之見現今秋分已屆海受衆水之時應酌量導之入
海俾有所歸天津一帶凡有可開支河分減水勢之
處亦即相度情形妥協籌議一併具奏總期廣為疏
濬使尾閭通暢則水患自可漸消要在師古人之意
而不泥其迹斯得之耳着將此傳諭方觀承鶴年等
知之欽此又於八月二十四日欽奉

廷寄

上諭鶴年所奏堵築三屯決口及挑擔支河一摺內稱
四女寺哨馬營二處皆運河歸海之路現已興工挑
濬等語朕前以運河異漲非洩之入海不能消減是
以降旨方觀承鶴年等令於徒駭馬頰等處相度歸
海之路設法疏濬原非欲復九河故道總期於洩運
河之水使之入海不必存膠柱之見今鶴年所奏四
女寺哨馬營等處既為洩運尾閘此即朕諭中所及
該撫等自當及時開濬以收疏導之益至此外或尚

有可資宣洩者亦應留心查勘次第辦理總之多一
入海之路即多一洩運之路不必拘泥也著將此諭
令方觀承鶴年等知之欽此臣方觀承欽遵於八月
二十四日自天津起程由德州哨馬營四女寺一
帶會同臣鶴年赴東昌府運河東岸查勘馬頰徒
駭二河復至東阿縣屬之張秋鎮迤南周迴閱視
查得運河自汶上縣南旺分水處引汶入運北行
三百八十里經東平東阿聊城博平諸境至臨清

州衛水自館陶合漳水匯之又北行三百三十餘里經武城恩縣德州入直隸境歷吳橋東光南皮滄州青縣靜海天津以達於海除直隸境內運河有捷地興築二減河分流入海卽年加濬深通現資宣洩經臣方觀承

奏明其山東境內運河自德州至南旺共七百一十二里內有德州哨馬營減水壩一座寬三十丈壩面高運河一丈二尺又南五十五里有四女寺減

水壩一座寬八丈壩面高運河一丈堤外老黃河一道即古之鉤盤河哨馬營壩下引河長五十里四女寺壩下引河長九十里俱入於吳橋縣屬之玉泉莊會流經寧津南皮樂陵鹽山慶雲至海豐縣大沽口入海計長二百九十里自四女寺而南又三百七十里過臨清州至博平縣之魏灣有馬頰河一道係唐時黃河故道經清平高唐恩縣樂陵慶雲至海豐之沙土河入海計長五百七十里

河頭十里之內設有減水壩一座寬八丈壩面高
運河八尺減水閘二座每座口門寬一丈五尺底
高運河七尺五寸涵洞一座寬八尺底高運河五
尺五寸自馬頰河而南又五十五里至聊城縣屬
之龍灣有徒駭河一道即古之漯水經博平往平
高唐禹城濱州至雷化縣久山口入海計長六百
五十里河頭八里之內設有減水壩一座寬八丈壩
面高運河七尺五寸減水閘二座每座口門寬一

丈五尺底高運河七尺五寸自徒駭河而南又一
百三十里至東阿縣屬之張秋鎮舊有五空橋一
座寬十一丈五尺底高運河一丈二尺又南二十
五里舊有三空橋一座寬八丈底高運河一丈五
寸五空之南三空之北乾隆十九年復建有減水
閘三座每座口門寬二丈底高運河一丈減西岸
沙河趙王河之水由堤外引河就近入於大清河
歸海自三空橋而南又一百二里即係南旺分水

處為汶水北入運河之始以上七百一十二里中

蒙

聖諭指示之老黃河馬頰徒駭三河所有減水壩四座
減水閘七座涵洞一座又三空五空橋二座今年
盛漲之時俱過水自三四尺至一丈五尺不等現
在尚過水自一尺至六尺不等合計閘壩各口門
共寬八十六丈三尺皆以宣洩運河盛漲入海其
馬頰河河身寬自二十丈至一百餘丈容水為多

老黃河決之徒駭又次之此運河分減舊有之途經也臣等欽遵先後所奉

訓旨惟期洩運多途不敢稍存膠柱之見茲查哨馬營壩口並壩下引河業經臣鶴年

奏明挑挖現在深通其四女寺壩外十二里有德州三十里鋪大橋橫亘高埂之上橋內水深三四尺橋外迤東至嚴家莊四十里內水止二三尺形勢不順自嚴家莊下接玉泉莊會流處中間四十里

並無河身水勢散漫高低不一應行一律挑深自
吳橋以下老黃河均於乾隆十四年水利案內抽
挑子河迄今不無淤墊並葦草阻塞之處均應徹
底疏通馬頰陡駭二河亦於乾隆十四年曾經挑
濬卽年水過沙停閘口引河尤多淤阻並須加挑
河身之內亦多蘆葦盤結兼有民間捕魚土壩及
道埂攔阻之處均應間段清理又馬頰河於海豐
境內將近入海處所有羊沽橋支河一道現為居

民築堰斷流並應拆毀以暢尾閘又各河所經橋
座多有窄隘兩頭土壩甚長束水不能暢流並須
拆改展寬添設木橋寬通水道俾無壅遏方為妥
協查各河至海豐綿長數百里復多支河傍港臣
等已派委明白河員每處二人挨查自至海口逐
段測量水勢分晰開報但河身現皆過水其寬窄
深淺情形尚難查文確實應請俟水勢消退之後
再行復勘分別工程難易或勸用民力或動帑與

修臣方觀承會同東省撫臣河臣次第妥酌辦理
期於支流暢達洩運有資以仰副我

皇上指示機宜期於有備無患之至意再查張秋運河
西岸有沙河趙王河二道匯上游河南之儀封延
津直隸之長垣東明山東之鄆濮范張諸境歷來
橫衝入運每逢水發勢甚涵湧而該處運河兩岸
東高西下東岸所設之三空五空橋及減水各閘
口門皆高運河一丈至一丈二尺水勢不能暢消

不獨運道阻艱兼致附近州縣汎溢為患本年八月盛漲之時臣鶴年曾於三空五空橋之間新開之南地名八里廟將運河東堤開數丈洩水入大清河數日之內運漲頗落旁邑積水亦消行之已有成效今臣李清時公同詳加相度應請即於此處建滾水石壩一座面寬十二丈底高運河八尺比五空橋低四尺比新建閘座低二尺遇八尺以上之水即可由此減洩隨長隨過不須啟閉兼

有限制既資分導之利並收濟運之益相應一併
請

旨交與新任撫臣會同河臣再行籌議奏請

聖訓辦理至直隸天津一帶支河祇係消洩境內滙水
下通淀泊無關南運宣洩等情形業經臣方觀承

恭摺

奏覆在案所有臣等會勘各情形及籌辦緣由理合

繪圖貼說恭摺具

奏奏入報

聞並有旨諭部

乾隆二十二年十月初三日山東巡撫蔣洲奏言
竊山東德州衛所三屯四屯地方本年六七月間
運河水發各衝決堤口淹浸田廬臣赴任道經德
州於九月十四十五二日親赴各該處勘視查三
屯地方有哨馬營支河原為宣洩運河之水由海
豐入海近年支河淤淺運河水無洩瀉本年水大

遂致衝決三屯堤口經陞任撫臣鶴年親詣該地督率署德州知州吳祖修將哨馬營橋洞開通使水洩疏始於老堤決口之外搶築月堤一道使運河之水不能流入三屯之水方得盡涸今老堤決口現尚水深工力難施應俟來歲春融方可填築於新築月堤內外堵禦庶可永資捍衛又四屯地方亦有四女寺支河藉疏運河之水亦俱淤淺支河高於運河今年運河水漲水難消洩將四女寺

上游衝決兩口目下南岸決口已築月堤抵禦現
在北岸決口未築因尚有武城縣菜家場決口漫
入恩縣西北鄉下灌四女寺附近民田積水賴此
決口洩瀉須俟水退後再行填築臣又查哨馬營
支河由東省流入直隸復轉入山東海豐入海現
在下游一帶悉屬淤淺以致水難暢流自易泛溢
臣管窺之見先於哨馬營支河上游築一攔水土
壩堵截河水將下游淤淺之處一律開濬深通之

後拆去土壩俾水得暢流其四女寺支河係由東
省老黃河而下合入海豐縣入海下游淤淺各處
亦須逐一開濬此二處支河均闕民田耕種皆應
及時急為開濬使水得暢流入海自可永慶安瀾
其開濬工程應請責令各該地方官各就境界分
段承辦專委濟東道稽查督率其哨馬營支河下
游有屬直隸地方者聽督臣方觀承委員承辦庶
各需責成辦理可期迅速再臣勘得德州運河兩

岸堤岸係保護民田廬舍例係民築民修現在面
寬二三尺底寬四五尺不等追溯其源因河水日
事衝激堤泥剝落是以堤身日薄而河底日漸淤
高現今運河水面高於堤內民田且運河過往船
隻絡繹停泊必在堤身錠椿繫攬現多殘損水發
之時漫決甚易民力有限勢難責其加築寬厚此
又保護民間田廬必應早為籌畫之處臣伏思
皇上痼瘵在抱凡於民生有益莫不上厘

宸衷不惜帑金登斯民於衽席之安本年災祲之餘災
黎已荷

聖主撫賑頻施無虞失所但賑畢之期在二月正值青
黃不接之時臣愚伏懇

皇上天恩俯准動項將臨清以下一帶運河悉行挑濬
深通其堤岸加築高厚務須面寬一丈底寬三丈
於明年二月鳩工集事寓賑於工小民之利賴無
窮矣如蒙

俞允臣再會同河臣逐一估計咨商直督臣方觀承會同請

旨遵行其餘東省水利工程臣甫經到任現擬將政務料理數日即親赴各處逐加查勘會同

欽差及河臣等籌議趕緊辦理務期一勞永逸息水患而安民業以仰慰

聖主宵旰廑念之德意奏入

上諭曰已有旨交劉統勳帶去爾等同心實力妥為之

乾隆二十二年十月十四日表曰修夢麟張師載
蔣洲奏言臣表曰修臣張師載於濟寧上下查勘
臣夢麟臣蔣洲前後俱至韓莊會同籌議查得山
東應行疏濬之處兗州為要曹州次之其故皆原
於微山一湖積水不消以致宣洩無路臣表曰修
與前撫臣鵬年六月間於微山湖一帶相度地勢
惟伊家河形勢最順檄令藩司阿爾泰運河道李
清時勘議嗣臣夢麟與撫臣鵬年又細加講求奏

請興工臣表曰修於九月初七日復到工所諭令
將原估十丈河請再行展寬數丈今已按段分工
併日備辦總期十一月上旬完竣將來告成微山
湖積水建瓴而下則濟寧金鄉魚臺滕縣嶧縣以
及江南之豐沛二邑地畝可以普行涸出既有此
宣洩之路即伏秋盛漲亦必不致如前此之壅閼
不下臣等再詳求原委水消之後更有應辦者在
兗州言之魚臺縣屬有舊運河一道係明代未開

洳河之先舊行運道也在今運河之西向雖年久不治河形尚存且通舟楫今則淪入湖中幾及二載查此河故道界微湖之西南上接濟寧牛頭河金鄉之涑河柳林河由沛縣安家口鬬虎店至銅山縣之玉皇廟出茶城十字河至荊山橋入邳州之彭家河歸運若微湖消退之後疏通此河並牛頭河涑河柳林河一併挑濬在下游言之則直接現在之茶城河頭而脉絡貫通在上游言之則濟

寧金鄉以下各州縣匯注之水皆有去路而水患可除矣又泗水河發源於泗水縣之陪尾山經曲阜縣滋陽鄒縣入濟寧州境歸魯橋濟運在滋陽鄒縣曲阜境內者向不為患自濟寧州姚家莊以下河身愈下愈窄至張家橋等處寬不及四分之一在在淤阻致多泛濫迄今未消又白馬河自鄒縣北九龍山發源入濟寧孟家橋歸獨山湖濟運因中段之董家口與泗河相接泗河之尾窄隘不

能容納每多旁溢遂漫入白馬河合流愈致淤阻
今請於泗河白馬河二水並將河尾挑浚務俾各
行故道勿致交阻則兩河分流消納亦易矣此均
在伊河既成微湖既洩之後所應辦之工程也至
現今可興舉者有府河係泗水分支向有金口閘
俗名黑風口建涵洞二座由涵洞穿入府城至濟
寧東關之楊家壩一出天井閘入運一會洸河入
馬場湖今涵洞淤墊已在河底來路既已壅滯至

楊家壩又以用土堵築去路亦復隔斷每歲俱有
暴漲之虞今若將涵洞改建減水閘一座楊家壩
亦改建石閘一座用板啟閉則上下通流且有節
宣之制至洸河會流入馬場湖之洸河每多旁溢
查自濟寧之興文鎮以下舊有河形一半入運一
半入馬場湖年久淤墊應請挑浚則兩河交治矣
此現今即可興作者也至曹州府則應分二道言
之其西南一道則自豫省之延津滑縣封邱直隸

之長垣東明等處坡水漫溢而來是以明代建築
太行堤之始即沿堤開河一道名曰順堤河長短
起止悉與堤同使順軌東流曹單等縣入江南豐
沛境以達於微湖自微湖水長此水不能下達以
致每歲為災多有淤墊此亦在伊河既成微湖既
洩之後所應辦之工程也其東北一道則曹濮范
鄆壽張陽穀上承濮州定陶各坡河之水俱從沙
河趙王河二處入運由東岸之三空橋五空橋及

平水閘洩入大清河歸海而壩底過高宣洩不及
今歲衛河異漲運河為其頂阻倒樣而上遂多淹
漫今直督臣方觀承前撫臣鶴年奏請於八里廟
添建滾水壩一座臣等再加詳酌此處正當沙趙
二河之衝於地勢最為切中但壩底仍高則泛漲
之時尚有不能暢消之慮今奉

旨俱放低改為七尺以使過水仰見

聖鑒精詳之至應欽遵辦理總使平槽之水濟運有餘

而泛漲之時消滅亦易則曹州東面一帶水患可
除矣且不獨此也向來入運之水無所宣洩泛溢
於上則濮州范縣朝城莘縣陽穀壽張等處固先
受其患泛溢於下則鉅野嘉祥濟寧金鄉魚臺諸
縣亦為所波及今沙趙二河既治則水之從東入
大清河歸海也地近而速不復從鉅野以下南灌
金濟是即於兗屬言之治之於源頭亦止火息薪
一術至東省地勢臣等上下察看並詢之河員該

地土人實係安山以南東高西下安山以北則西
高東下東堤之外入大清河之路勢皆順利無虞
倒漾若馬頰陡駭四女寺哨馬營等處皆為東洩
入海之路已前後奉

旨遣員分導是諸水皆有所歸東省數千里從此可免
積潦之患臣等公同商酌意見相同謹據實合詞
陳

奏臣張師載臣蔣洲再逐細詳審確估並各支港溝

渠分別民力官工一切及時辦理以期仰副

聖天子軫念民生之至意再查沂沭二水皆為幹河沭河至江南經沭陽縣入海山東境內尚屬安流沂河正支入江南之駱馬湖旁支從盧口入運向因入運太多臣等業經會議於盧口建壩不使多洩以疏運河水勢今開沂河入駱馬湖之正支受賢集等處多有淤阻如此則恐夏秋水漲之時蘭山郟城易致泛濫臣等仍咨明江省將沂河入駱馬

湖正支再行疏通增入下江水道工程案內辦理
合併聲明奏入

上諭曰覽奏俱悉朕正慮沂州府屬每被水災摺內有
疏通駱馬湖之議速行妥協相度

乾隆二十二年十月十八日白鍾山嵇璜奏言竊
查下河歸江歸海各工一案欽奉

諭旨令臣等督率屬員悉心妥協辦理俾下河民生永
有裨益欽此欽遵臣等與督臣尹繼善當經飛飭

該管道府選帶熟諳估計人員將各處工程分頭確估上緊興修去後查湖河水勢歸江近而歸海遠歸海紆迴而歸江徑直是以臣嵇璜前奏內將歸江者列為急工歸海者列為緩工今查歸江之路固宜急辦而歸海各工其中亦有應行先辦者不便以列為緩工遂使遲緩如歸海工內高寶運河東堤之郎兒閘子嬰南閘邵伯減水三閘水大則藉以洩水歸海水小則藉以灌溉民田今因年

久損壞急應拆修完固以資啟閉阜寧之射陽湖
改紆為直移遠為近則歸海逕捷宣洩甚暢不致
阻壅水勢頗為緊要泰州之孔家涵河鹽邑之皮
岔河岡溝河係分導西水之要路亟須疏濬深通
以資利導又下河之石碓天妃越閘裹頭尾土俱
已塌卸兩牆壁立若不急修恐致傾圯重防多費
難以再緩以上俱係歸海緩工內應行先辦之工
今與歸江急工俱已一併估定臣等於河廳營汛

及鹽務人員內遴委幹員酌撥帑銀分段承修現在興工又將一切挑河建閘事宜給發條約委令道府大員實力查催嚴加稽察統限於年內一律如式完竣不使稍有草率遲延臣等敬遵

聖訓董率屬員悉心妥辦務使歸江歸海之路節節疏通不致阻遏泛溢淹漫農田以冀仰副我

皇上軫念下河奠安民生之至意奏入

上諭曰甚知道了

同日劉統勳鶴年奏言竊山東江南一帶河道工程關係民生漕運上厓

宸衷指示臣等實力查辦臣鶴年現管山東巡撫事務臣劉統勳將應行事宜面加商榷漕臣楊錫紱所請挑河築堰修理緯道整頓閘壩等事俱需親身勘估派員分修至八里廟湖間以及盧口壩等處亦經撫河臣各抒所見先後陳奏當此水落歸槽風日和暖之候正當覆加相度計日僱工惟運河

南岸民堰一事既不應任其傾圮又未便過滋糜費則酌量賞給飯食照河撫臣胡寶瑤所奏給錢數十文之例俾無業貧民藉以餬口實屬公私有益臣等又思現在運河既需挑濬其挑出之土堆向兩邊即係增培堤岸但中多泥濘未便即用夯礮請目下以挑河作培堰既可一舉兩便俟土乾之後仍照前例僱募民夫加以夯礮俾得整齊堅固既可以防泛濫又足以利遄行俟臣鶴年前赴

濟寧時與河臣張師載定議舉行臣劉統勲於再
回工之時接續辦理奏入報

聞

欽定四庫全書

欽定四庫全書
卷三十九

欽定南巡盛典卷三十九

欽定四庫全書

欽定南巡盛典卷四十

河防

乾隆二十二年十一月初四日江南河道總督白
鍾山奏言竊照裡河廳屬運口係各省漕船經由
緊要之處專藉洪澤湖清水以資浮送必使清水
常強庶可敵黃濟運每遇湖水微弱或東北風未
免黃水倒灌淤墊河身有礙運道今春恭逢

聖駕南巡臨幸運口

閱視情形

指授方畧令於頭壩北壩外建築攔黃壩一道攔禦黃

水仰見

聖明天縱悉合機宜運道民生大有裨益當即轉飭敬

謹遵照

欽定式樣上緊備做一律高寬堅實穩固茲據淮揚河

務道何燭詳稱運口頭壩北壩外建築攔黃柴壩

一道估需工料銀四千七百四十兩零親勘確核
並無浮冒造冊詳請題估臣等復核無異恭疏具
題奏入

上諭部議之

乾隆二十二年十一月十一日
上曰修夢麟白鍾山陳宏謀高晉奏言竊臣
表曰修臣夢麟同臣高晉於十月二十六日自
宿州起程至宿遷縣之歸仁集踏看安河工段
適臣白鍾山臣陳宏謀俱自

清江浦來晤臣等伏查濰河上承河南及蕭碭諸水以安河為出路最關緊要臣等業經

奏明開濬今復加相度凡現在水佔皆係歷年不能涸出之故勢難久待臣等率同道廳各員一面勘估即一面設法辦理務期一律深通不致壅遏再查全淮俱入洪湖而去路又以清口為咽喉疊奉訓旨令每歲及早多折東西草壩以暢其流仰見

聖明洞悉臣等遵奉面加商酌今值冬令應照例束壩

蓄水之期但向來口門只留十八丈至二十丈不
等未免收束太緊臣等今擬酌留三十丈較往年
多寬十丈至十一二丈則現在湖水可以暢出其
湖水多出一分則來年可多受一分似於宣洩之
道更為有益明歲正二月春汛未發之前即仰遵
聖訓相機早行大為拆放所有臣等會籌緣由恭摺奏
聞再上下江各工現在已有四分以上至六七分不等
合併聲明奏入

欽定四庫全書

金匱要略
卷四十

上諭曰甚合機宜欣慰覽之

乾隆二十二年十一月十四日河道總督張師載

山東巡撫鶴年奏言竊照運河疏濬事宜上厯

宸衷因尚書臣劉統勲奉

差晉省

欽命臣鶴年留東辦理遵即會同河臣張師載並巡漕

臣海明詳加商確查東省運河北抵臨清南至臺

莊上下幾及千里其資灌輸而利運行為汶為泗

為洗為薛每遇伏秋兩汛水發俱帶泥沙而歷年
大挑小挑不過臨清南旺濟寧彭口等處塘河淤
沙最厚者酌加挑挖其餘長河亦間段疏濬總以
糧艘可行而止並未大加挑挖遂致年深日久河
底益高而堤身日益卑矮加以今歲伏秋漳衛沙
趙等水泛溢於其北昭陽微山等湖漲滿於其南
水壅沙停堤隨水刷河身淤墊更倍於前今冬若
止照常例大挑誠如

聖訓殊非經久之策臣等愚見除塘河工程儘照大挑
往例額募等夫實力挑挖外請自濟寧以下之石
佛閘起北至臨清閘止將河底淤墊逐一探估以
現在水深八尺為度凡不足八尺者添估挑挖俾
河身一律坦平以免阻塞之患今回空過後本月
初三日南旺可以煞壩空水數日石佛以北至靳
家口可以空乾本月十二日可以興挑正月告竣
靳口以北至臨清地勢稍平空水較難十二月興

挑二月告竣石佛以下直至臺莊內多湖河相連之處深淺段落尚難確估而糧船經行足資浮送應俟湖水稍退兩堤修整之後再行確估辦理惟彭口古淺山河噴沙之處連年因水大不能築壩雖經額夫挑挖未大加挑濬應請一併募夫分案估計僱挑總在重運未到之前凡屬淤淺之處務期上緊挑完以利運行此現在分別辦理挑河情形也其臨清以南至石佛一帶兩岸緯道間有殘

缺單薄之處業飭道廳勘估以本年盛漲之時出水三尺為度或應加高或應幫寬逐一估報臣等再加查勘委員僱辦石佛以下至南陽兩岸緯道現在水勢尚未大消即南陽以下現已開工微露堤形之三千餘丈兩面排檣埽由中心填土築堤駕船遠運土方於十餘里之外天氣漸寒河水漸凍人夫水內施工未免力作艱難且臨清州縣俱在攢挑伊河所辦檣料未能如期應付民間小船

亦係出入必需難以照數催募臣等查伊家河業將挑成開放在即約計厯冬入春湖水必日就掣消則前項繹道均可漸見涸露與其凍天興作人勞費重似不如稍待春初冰消日融工作更易經費較省只須臨時多分段落多派官員於青黃不接之時招集民夫就工謀食同未露堤形之一萬餘丈均可接續辦理即或間有水口深濶之處因地制宜或搭橋墊路或用柴軟鑲俱可隨時料理

總期緯挽有資以待新運此現在分別辦理緯道情形也再臣等查臨清以北德州以南之衛河原係漳衛合流水挾沙行雖冬令水勢消落之時尚仍巨浸故自元明迄今不能煞壩挑挖歷年大挑俱係駕船撈濬移淺就深此次辦理務在徹底窮源若非逐段測量則淺深不齊恐難一律通暢自當與臨清以南之運河一體辦理但波流沙走向俱移淺就深今議修民堰所挑之土如能堆積兩

旁原可增培堤堰土乾之後募夫分硯足資鞏固
以衛田廬若係淤沙又難增壘所有應修之民堰
自應仍照臣等原議辦理現在難以懸擬統俟臣
等伊河放水之後前往河干逐一測量詳加相度
總期公私有裨再行定議其臨清以南沿河亦有
民修堤堰應行培補但所挑長河之區與應培民
堰之所每多不能湊合臣等確查凡培堰恰值挑
河處者即將挑出之土堆放堤邊俟春融土乾之

後責令本汛淺壩額夫夯礮堅實不須另請錢糧
若實非挑河處所而民堰殘缺應修者一併酌給
食米夯礮併崇估報此現在辦理民堰情形也再
若閘座攸關蓄洩如寺前舖閘為汶水南行第二
座與柳林閘互相啟閉今已樁朽石裂通身漏水
應徹底拆修又李海務閘土橋閘建自前明金門
較窄江廣船隻體質重大未免稍覺狹礙現今金
門一面石塊臃裂俱應拆修並將金門放寬又如

在城戴廟邢莊利建韓莊頓莊侯遷等閘身較低
易致漫水各應加高一二三層不等其餘各閘石
塊脫落之處均俟水落撈起安砌修整庶運河節
宣有制又聊城縣舊閘口大寺東呂家灣並十里
舖添建涵洞共五座博平縣皮狐洞涵洞濟寧州
新店新閘仲淺魯橋等處涵洞共五座清平縣李
家口張官營陳官營等處水溝橋梁共五道均應
修整庶民田坡水宣洩有資又河家壩坐落汶河

西岸為洩水北行入運之路今汶河分水口南多
北少雖現將南壩接長北壩收短而何家壩壩身
過高北流不暢應照原議落低二尺並挑濬石頭
口入運支河庶汶水北流不致偏少俱經委員確
估陸續興修此現在辦理閘壩涵洞情形也至伊
河工程緊要俱係責成州縣等承挑臣等現駐在
工立限報竣所有現辦一切工程先令司員蔡琛
和敏分頭勘驗督率一俟伊河放水即星赴各工

上緊查辦以期仰慰

聖主宵旰憂勞之至意除石佛以上挑河築堤工程核
造估冊分案具

題并應修閘壩涵洞及石佛以下疏築等工分別確
估另行奏懇

聖恩動撥奏入

上諭曰覽奏俱悉此番大加整頓必期實濟於事不可
草率慎之勉之

乾隆二十二年十一月二十日海明張師載鶴年
奏言竊照徽湖積水為災上煩

聖慮

特命臣等詳加相度設法疏消臣等仰承

訓諭旁諮博詢不遑朝夕以伊河舊有河形實為徽湖
尾間議請動項興挑可資宣洩荷蒙

聖明洞燭指示機宜

命臣等速為查辦以拯災黎欽遵於九月初七日間工

派委牧令分段承挑並飭司道等官嚴加督儆定
於兩月為限緣第七段河身開至七尺五寸有山
根一片計長一百丈如令石工開鑿必致愆期有
悞放水臣等覆加查勘來源至此不過畧為停蓄
無虞過流究恐不能一律奔騰又開月河一百三
十五丈兩路分疏以資暢達是以報竣稍遲其餘
各工約於十一日通完臣等謹擇於十三日除日
放水仰賴

聖主洪慈普被各員奮勉從公敬取永除水患之義以
垂久遠從茲澤國災黎咸登衽席

盛朝赤子共濟春臺食德飲和凡屬編氓靡不感深
刻骨矣除放水情形另行具

奏奏入

上諭曰欣慰覽之有旨諭部

乾隆二十二年十一月二十二日袁曰修夢麟白

鍾山陳宏謀高晉奏言竊查上江地方諸水開通

之後皆歸安河以達洪湖安河計長一百二十餘里金鎖鎮劉李垸陡門間段淤淺業經臣等

奏明挑挖今詳加覆勘從歸仁集以下逐段測量自陡門出口之路此段蘆葦叢生深止尺許淤墊較前段更甚上游數百里東下之水至此皆為門限所格連年受害之由尤在於此惟是長計二千一百餘丈寬計七八百丈不等水面瀰漫無從扎壩若緊用壩工不獨天寒艱於入水亦且蘆根糾結

蜀具難施若坐待水涸又恐交春以後舊水未涸
新水復生臣等相度淤墊之故實因蘆根延蔓水
行濡滯歲歲掛淤以致十餘里內皆成淺阻但將
蘆根先行刨取則淤泥一并帶出水流泥活便可
疏通查沿河一帶漁船頗衆用錢催募四五百隻
可以不須遠覓并打造鐵耙等器人夫站立小船
之上用鐵耙刨取蘆根魚撈淤土俟裝滿一船載
往近河土坡之下拋棄仍復回船刨取較之水中

扎壩及一切壩工其難易大相懸殊且現在即可
施工無庸等待是以臣等再四思維舍此無可施
力惟是計船給值計日算工不能照土方成法銷
算須選擇誠實勤力之員專督其事庶工可速竣
而帑不虛糜查廬鳳道寶善驛道蔡長澧現有穎
亳宿靈虹等處工程不能兼顧今專委江安糧道
錢度總領其事董率試用同知富琦色卿額等協
同泗州知州陳韶尅日趕辦以專責成尾閘一通

則上游之水皆有去路而安河河尾壅遏之志可
減矣至安河河頭亦有應行再為籌計者查歸仁
集外灘河奎河潼河栢家湖林子河羅家河諸水
俱入安河來水既衆而咽喉尚屬狹隘臣等業經
奏請開濬董家溝一路在案今又勘得歸仁堤迤下
舊有涵洞穿入鮑家河以入安河年久湮塞今擬
再將此河開通又分林子河一支由此經行則安
河進水之地亦有所分而河頭壅遏之患亦可減

矣此段現委淮徐河道王鴻勳率同各該縣及委員等并堵缺開閘諸事皆及時估辦所有臣等設法辦理安河及漆挑鮑家河一段緣由合詞具

奏繕圖呈

覽伏祈

皇上睿鑒奏入

上諭曰甚好知道了又

諭曰何須狃於奏銷之常例耶但期工歸實用百姓受

利朕不惜費也

乾隆二十二年十二月初十日海明張師載鶴年
奏言竊_臣等於伊家河放水後隨沿運河而北會
同_臣海明挨次查勘除石佛以下由南陽至韓莊
水勢漸見消落轉瞬春融人力可施應築應疏土
石橋埽工程_臣等另行籌酌具

奏外查石佛以上_臣等前奏各工內塘河大挑已經
照依往例償辦其增估長河淤淺段落亦經募夫

開工逐段挑挖臣等查驗督催均可於重運未到之先完竣至兩堤工殘缺無多亦已估定大尺土方凍解興修可期經月竣事惟城市村鎮如臨清東昌張秋阿城靳口袁口濟寧及各閘上下民居比櫛多有緯路窄狹崖岸陡峻挽拽難行之處臣等因地制宜或估修片石工添用底樁石灰安砌或估做排樁埽由中心填土其間土性疎懈不能承載樁石者修做防風埽歸於通年搶修項下辦

理至如民間草土房屋搭蓋河邊佔礙緯道者若
一律興修工程轉致糜費未免所獲者少而所費
者多臣等仰體

皇上愛民如子不使一夫失所之至意酌給遷移之費
令其移後丈許以俾緯挽有資且原係官地本應
退還今於格外賞給民情倍加感戴緯道亦得寬
展俱已大查明確飭令該管道廳並同地方官分
別估辦至應修閘座內惟有寺前鋪閘木枋損斷

兩牆滲漏且無月河亟應拆修土橋閘槽石損壞
亦應拆修半面在城閘亦應加高並石塊脫落之
趙村十里等閘俱飭令動帑辦理以待新運其原
請加高之戴廟閘雖今年曾經平水但本年盛漲
實非常年所時有且今已備籌宣洩可不致似從
前漲滿應請停止又原請拆修之李海務閘惟金
門窄狹但尚可行運即遇江廣大重船亦可由月
河行走亦應停止以省繁費再如聊城博平縣境

修舊增新涵洞六座並清平縣境修建橋梁五道
臣等又查有濟寧州境宋家窪馬場湖外二處亦
應添建涵洞各一座均係減洩民田坡水要工臣
等已飭於水利案內核估發帑令地方官及時採
石辦料償修第民田積潦多在伏秋而惟時亦係
運河盛漲之時高卑相阻誠難暢注惟霜降以後
煞壩以前及每年挑河完竣開壩放水之時正值
運河水小坡水可以宣洩臣等仰懇

聖恩永著為例令河撫二臣各專委大員屆期親詣查勘確驗內外水勢情形及時啟放宣洩俾得趕種春麥庶涵洞不致虛設民田實為有益至八里廟添建滾壩因本年水勢上厓

宸衷俯允臣等所請並蒙

聖訓以高運河底七尺為度其餘閘壩亦令酌量落低仰見

睿謨廣運洞徹機宜臣等謹將八里廟議建滾壩遵照

諭旨改高運河底七尺並擬先將徒駭河頭之龍灣馬
頰河之魏灣老黃河頭之四女寺各滾壩俱落低
高運河底七尺飭令司道確加估計派委河員地
方官查明前運江省就近存剩石料臣等又查有
鹽河廢橋歲久坍塌石塊尚可選用其不敷之數
亦即採石辨料次第興修其三空五空平水等閘
橋龍灣魏灣減閘哨馬滾壩若此時一並落低倘
遇天時久晴七尺之下續有消落或致行運艱海

應暫行停緩俟相度明歲水勢再請

旨辦理總緣本年盛漲實有微山昭陽諸湖頂阻於南
漳衛兩河泛漲於北又值沙趙二河同時異常暴
長以致盈溢漲滿今既開伊家河以暢其南流又
於水利案内現在勘議疏徒駭馬類老黃等河以
導其北注並八里廟及各河河頭皆有落低七尺
滾灑預減於平時寸長寸消陸續減耗自不再有
如前之漲溢矣至分道汶水北行之何家壩支河

頻年淤墊業已高逾壩身今先將支河挑挖深通亦看遇水情形再為辦理其運河民堰凡係挑河之處即以挑起之土堆放幫培春融土乾即令各本汛額夫分礮毋庸另給錢糧如不係挑河之處則民堰仍須修築又查館陶至德州衛河不能熬壩興挑者臣等已親行履勘岸高面濶形勢灣環堰距河遠所有應修兩岸民堰已據估計土方造報但准豫省咨覆飯食錢文之例係需指不能計

方之工而言今既有方可計似應仍照臣等前奏
恩允每方酌給食米鹽菜分碱等銀六分按方給資易
於稽查加以夯碱可資堅實且較之豫省每名三
十文之例尚為有減無增擬於春融飭發地方官
招集民夫就工謀食上緊備築以資捍衛奏入
上諭曰如此因時相機辦理實愜朕懷

乾隆二十二年十二月十五日工部奏言工科抄
出江南河道總督白鍾山等題裏河運口建築攔

黃壩一道估需工料銀四千七百四十兩九錢一
疏乾隆二十二年十一月初四日奉

旨該部議奏欽此欽遵該臣等查裏河運口為漕艘經
由要道今春恭逢

聖駕南巡親臨

閱視指授機宜於頭壩北壩外建築攔黃壩一道據該
督委員確勘估需工料銀四千七百四十兩九錢
零造冊具題應如所題辦理以利運行仍令該督

將做過工程用過銀兩照例核實造具清冊題銷
可也奏入

諭依議行



欽定南巡盛典卷四十